

Nanaalu ina xan Inaatel Jon

¹ Iaa Jon, xusaak ina xan matenaanua Moroaa, sin aina* Moroaa ta se axilangi ma xan no tsi, biaa di, iaa ta titii di, di paare taman xan totore so Moroaa, ma a xap iaa mu, oro biaa bula di araraa di ta atii soina.

² Amuina sin soina, biaa ta man lalon gita ma naba tigiri manman mii gita.

³ A amiumiilam, titii ma malina naba manman mii gim, biaa ta xaal sin Moroaa iwaa Mom, ma sin xan Tsi Mom, Iesu Karisito, amuina gim manman mii giem taman soina ma titii.

⁴ Iaa suk adi xariin taton sin iaa ta tatanginai biexaal ina nagim no tsi di eses lalon soina, malen Mom ta se totore watwat sin gita.

⁵ O talaawaa, aina, iaa xap atalaa laa sin gim xa totore watwat ul oro biaa mu, gita tii adi sin atiltsoli. Iaa atsuraa gita na etitii engen gita.◊

⁶ Ma balawaa titii; gita na amusili xan no totore watwat malen gim tii se alongen sin atiltsoli, xan totore watwat a paare we gim na eses lalon titii.

⁷ Xuduxudu ina no unaababaa bala se di lalon xolkolmoxo, biaa di ta xap taltaalnge we Iesu, tii tsap taamat toto so lalon xolkolmoxo. Biaa

* ^{1:1 1:1}aina - A til axilangi xan matenaanua Moroaa mii xan no tsi ma xan no inaman lalon xan matenaanua Moroaa. ◊ ^{1:5 1:5} Jon 13:34; 15:12, 17

no mat inaman, di no unaababaa ma xan no matenkorot Karisito.

⁸ Gim na tilaamamil ngali gim ba xap poroklii senaara gim ta taxaa ngali, oro ngali gim ba tsili abia nagim no ilil araraa.

⁹ Saa ia ta laa palaaen xan no asasing Karisito, ma ga xap tigiri amusili xan no asasing, a xap xan tsi Moroaa. Saa ia ta tigiri amusili abia asasing, ia a manman lalon Mom ma xan tsi.

¹⁰ Nawe xa a xaalame sangaam o ia ga xap tali abala asasing, nangaam giwaa laa lalon num anua ma nangaam sirawaa ia.

¹¹ Iwaa xa ta sirawaa ia naba exasen abia xan no namaang tsaxa mii ia.

¹² Iaa ie maarang xudu ngali atalaa laa sin gim oro iaa xap saan ngali atatal laa sin gim taman buk ma xinaal. Oro iaa taalnge we iaa ba xaalame sangan gim ma iaa ba papaare enananngi mii gim ngali xida tataton naba suk us buxa.

¹³ Xan no tsi moton[†] u iwaa Moroaa ta axilangi di tulen xadi lasiaat sin gim.

[†] **1:13 1:13** Xan no tsi tawaneina iu, di no untaalnge sin biexa Matenaanua biaa di ta tulen xadi lasiaat axaau.

**Inesaait Mamainaang Laa Sin Notsi
The New Testament in the Notsi language of New
Ireland Province, Papua New Guinea**

Copyright © 2024 Wycliffe Bible Translators, Inc.

Language: (Notsi)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-08-14

PDF generated using Haiola and XeLaTeX on 14 Aug 2025 from source files dated 14 Aug 2025

601480e7-130d-5189-be42-9e43a92dbdde